

Áššeovddideapmi

— Vuodđodokumeanta.
— Jorgaluvvon dokumeanta

Vuorkááššennr. 2020/113-6	Vuorká: 153	Áššemeannudeaddji: Marit Elisabeth Hætta Gaup	Dáhton: 25.02.2020
------------------------------	----------------	---	-----------------------

Lávd.áššennr.	Lávdegoddi:	Čoahkkindáhton:
	Suohkanstivra	
	Ovdagotti mearrádusevttohančoahkkin	
	Hovedutvalg for kultur, næring og teknisk	
	Hovedutvalg for oppvekst, helse og sosial	

BUŠEAHTTAMUDDEN GEASSEMÁNUS 2020S

Mearrádusdiehtu sáddejuvvo dán čujuhussi:

- VEFIK IKS, Postboks 1023, 9503 Alta
- Romssa ja Finnmárkku filkkamánni, Statens Hus Dramsveien 1, 9800 Vadsø
- Ovttodagat

Čujuhuvvo čuovvovažži:

- Jahkebušeahtta 2020 ja ekonomiiaplána 2020 – 2023
 - Suohkanlága kapihttal 14 §§ 14-3 – 14-10
 - Láhkaásahus – suohkaniid ja fylkkasuohkaniid ekonomiiaplána, jahkebušeahtta, jahkerahketdoallu ja jahkeraporta
- 1 Dieđáhus liigejuolludeamit – Stuorradikki meannudeapmi ráđđehusa goalmát roassopáhka (Prop 67 S)
 - 2 Diehtu fylkkamánnis ekonomalaš reaidut suohkaniin korona oktavuodas

Ášši duogáš:

Marjnel jahkebušeahtta 2020s meannudeami leat bohtán čuovvovaš rievdadandárbbut:

Korona

Koronadávda lea buktán olles riikii ja suohkaniidda stuorra hástalusaid. Doaibmabijuin dávdda oktavuodas leat stuorra ruđalaš váikkuhusat suohkaniidda. Buhtadan dihte liigegoluid lea ráđđehus juolludan liigedoarjagiid suohkaniidda. Guovdageainnu suohkanii lea juolluduvvon 2 477 000 ruvno ráđđehusa roassopáhkas. Dasalassin lea suohkan ožžon 100 000 ruvno liigedoarjaga árvoštallanruđain, mat bohtet Romssa ja Finnmárkku filkkamánnis. Oktiibuot lea liigesisabohtu 2 577 000 ruvno. Dat ii leat bušeterejuvvon ja gáibida bušeahttamuddema.

Liigesisabohtut leat addon gokčan dihte suohkana liigegoluid korona geažil. Suohkanis leat leamaš ja bohtet ain šaddat stuorra liigegolut dán jagi. Liigegolut vuosttaš tertiála rehketdoalus leat 1 879 396 ruvno. Vaikko lea váttis einnostit man ollu suohkana loahpalaš golut šaddet korona geažil, de árvideames eai boađe golut lassánit lihka ollu go doaivvuiet cuoŋománu álggus. Mánnosaš liigegolut ledje cuoŋománu álggus meroštallon gártat 1 345 945 ruvno mánnui. Vuodđun rehketbihtái lei rievddakehtes dilli boahttevaš mánuid. Guovddášeisseválddit leat dan rájes rievdadán rávvagiid ja ložžen doaibmabijuid.

Man stuorrát suohkana loahpalaš golut šaddet korona geažil, eat dieđe vel ovdal loahpageahčen jagi. Danne evttohuvvo álggos vuos gokčat daid goluid man vuosttaš tertiála leat rehketoalus, proševtta 3103 Corona vuolde, 1 880 000 ruvno.

Ekonomalaš sosiálaveahkki (5730)

Earret daid goluid mat leat čohkkejuvvon proševtta 3103 Corona vuollái lea covid-19 buktán stuorit dárbbu ekonomalaš sosiálaveahkkái.

Guovdageainnu suohkanii lea Covid-19 čuohtan, ja dan mearkkašit sosiálabušehtas. Olbmot geat leat pemitterejuvvon eai leat áiggil ožžon beaiveruđaid, ja lea leamaš dárbu sosiálaveahkkái dan áigodaga. Eanasoassi ii leat vel ožžon beaiveruđaid, muhto NAV bargo- ja attus-ossodat leat bargamen ahte olbmot fargga oččoše máksot beaiveruđaid.

Bargoohccit ožžot máksot 72,5% iežaset jahkebálkkás. De manná áigi ovdal olbmot ožžot balánsa iežaset ekonomijjas, muddet olggosgoluid sisabohtui, ja nu birgehallet olggosgoluiquin go mánnosaš beaiveruhta lea dušše 72,5% bálkká ektui. Dása dárbašit olbmot veahki, gokčat vuolláibáhčaga mánnosaš vuodđogoluin.

Ekonomalaš sosiálaveahkki lea dál bušehterejuvvon 3 000 000 ruvnuin. Dán bušehtas lea 4 mánu adnon 1 491 619 ruvno, mii lea sullii bealli juolluduvvon bušehtas. Gaskamearalaččat lea mánnui adnon 372 905 ruvno. Dárbu lea loktet dán bušehta gitta 4 474 857 ruvdnui.

Evttohuvvo lasihit ekonomalaš sosiálabušehta 1 475 000 ruvnuin.

Gealbudahttinprográmma (bušehttagollobáiki 5735)

Gealbudahttinprográmmas lea dál bušehterejuvvon 1 123 000 ruvno, mii gokčá 5 saji mánnui. 5 mánu lea juo 773 235 ruvno adnon, mii lea gokčan 9 mánnosaš saji. Dárbu lea unnimusat 8 saji mánnui, mii mielddisbuktá dárbbu loktet bušehta 1 649 568 ruvnuin.

Dárbu ii leat bohtán Covid-19 geažil. Guovdageainnu suohkanis lea dát dárbu leamaš ovdal dán juo. Sivas go Guovdageainnu suohkanis lea dát dárbu, lea ahte min álbmogis lea muhtin oasis gelbbolašvuhta masa bargomárganis ii leat atnu, ja olbmot fertejit dán prográmma čađa loktet gelbbolašvuoda. Dasa ohcet sii geat eai deavdde stáda doaimbajuid gáibádusaid.

Evttohuvvo lasihit gealbudahttinprográmma bušehta 453 000 ruvno.

Doarjja guovttegielalašvuhtii (bušehttagollobáiki 8451)

Guovdageainnu suohkan oazžu doarjaga sámedikkis gokčat goluid go lea guovttegielat suohkan. Sámedikki doarjja jagi 2020 ovddas lea 7 057 000 ruvno. Dat lea 213 000 ruvno eanet go leimmet doivon ja mii lea bušehterejuvvon jagi 2020 ovddas. Liigesisabohtu bidjo suohkanstivrra disponeremii.

Konto 17070 – 8451 – 840 - 213 000 ruvno (lassisisabohtu)

Sámediggi juolluda maiddá giellaovdánahttindoaimmaide ruđa jahkásaččat. Suohkan lei ohcan 1 900 000 ruvna doarjaga jagi 2020 ovddas, muhto eat ožžon go 1 450 000 ruvno. Danne lea dárbu unnidit doarjjasisabohtu bušehtas 450 000 ruvnuin. Go sisabohtu ii šatta nu ollu go leimmet plánen, de fertet maiddá plánejuvvon doaimmaid

ja goluid rievdadit. Go unnidit gollodási, de ii váikkut unnit doarjja suohkana doaimbamušehttii.

Konto 11299 – 3190 - 120 gollu unniduvvo - 450.000 ruvnnuin
Konto 17070 – 3190 - 120 sisaboahu unniduvvo 450.000 ruvnnuin
Váikkuhus doaimbamušehtta 2020 0 ruvno

Ođđa lávdegoddi – árbevirolaš lodden

Ođđa lávdegoddi, mas galgá lea ovddasvástádus árbevirolaš loddemii, lea ásaheavvon. Lávdegoddi bargui lea dárbu várret 50 000 ruvno. Dat gokčá lávdegoddebuhtadusaid ja čeahkkis- ja mátkegoluid jagi 2020 ovddas.

Ruhta bidjo ođđa bušehttagollobáikái 1121 “Lávdegoddi árbevirolaš lodden”.

Miellahttuvuohta “Ráđđi rádjesuohkanat davvin”

Sátnejođiheaddjis lea áigumuš ahte Guovdageainnu suohkan galgá joatkit miellahttuvuođa. Máksu miellahttuvuođa ovddas ii leat dahkon jagiid 2018 ja 2019 ovddas. Dán jagi lea máksu divatmáksu 2018 ja 2019 ovddas 1 500 EUR (18 867 ruvno), ja boahit vel oažžut rehkega 2020 divatmávssu ovddas. 750 EUR (sullii 9 500 ruvno). Mávssut eai leat bušeterejuvvon ja danne lea lassi bušehtadárbu 29 000 ruvno jagi 2020.

Konto 11950 – 1180 – 100 29 000 ruvno

Nuppástuhttin doaimma

Suohkan lea ožžon ruđaid nuppástuhttimii. Finnmárkku fylkkasuohkan ruhtada doaimma stádabušehtajuolludeami bokte, ja dán jagi doarjja lea 5 500 000. Doarjja máksu suohkanii ja suohkan fas máksá ruđa viidasit nuppástuhttininfittodahkii Ovddos ASii. Nuppástuhttin doaimma ii leat bušehtas čalmmustuvvon ja ferte váldot mielde bušehttamuddemis.

Konto 18300 – 2325 – 120 – 3105 Doarjja fylkkasuohkanis - 5 500 000 ruvno
Konto 14712 – 2325 – 120 – 3105 doarjja nuppástuhttin infoanddas 5 500 000 ruvno

Investerenbušehtta

Ovddit jagiid lea suohkanstivra dohkkehan bidjat johtui investerenprošeavttaid, prošeavttaid mat eai leat loahpahuuvvon ja mat jotket ain dán jagi. Guoská prošeavttaide;

Prošeakta	Rámma	Bušehtta 2020
Digitaliseret čáhce- ja duolvačáhceveahta (áššis 56/17)	250 000 ru	180 000 ru
Gealldasuddjen čáhce- ja duolvačáhcerusttet Guovdageainnus (ášši 29/18)	200 000 ru	100 000 ru
Heiveheamit suohkanviesus (ášši 50/19)	450 000 ru	450 000 ru

Buot investeremat leat dohkkehuvvon loatnaruđaiiguin ruhtaduvvon. Investeremat leat plánejuvvon čađahuuvvot dán jagi, ja ferte riektá čalmmustahttit bušehtas.

Gealldasuddjen lea jo investerenbušehtas 2020 maid suohkanstivra dohkkehii juovlamánus. Dalle ledje prošeavttat digitaliseret čáhce- ja duolvačáhceveahta (180 000 ruvno) ja gealldasuddjen čáhce- ja duolvačáhcerusttet Guovdageainnus (100 000

ruvno) bidjon oktii ja oidnui oktan supmiin, 280 000 ruvno. Dan meattáhusa ferte njulget go lea guovtti proševtta birra sáhka, iige ovtta.

Árvvoštallan:

Evttohuuvvon bušeahttamuddemat leat dárbbášlaččat čađahit plánejuvvon doaibmabijuid lassin ođđa dárbbuide mat leat ilbman. Rievdadusdárbbu bušeahtas, masa ii gávna gokčama dálá rámmaid siskkobealde, ferte gokčat go sirdá disposišuvdnafoanddas. Dan dihte evttohuuvvo ruhtadit netto bušeahtadárbbu disposišuvdnafoandda geavahemiin. Ollislaččat 1 097 000 ruvno.

Mearrádusevttohus:

Čuovvovaš rievdadusat evttohuuvvot doaibmabušehtii 2020:

Doaibmabidju	Submi
Liigedoarjja korona goluide stádabušeahta bokte	- 2 477 000 ru
Liigedoarjja korona goluide fylkkamánis	-100 000 ru.
Liigegolut korona geažil	1 880 000 ru
Lasihit bušeahta ekonomalaš sosiálaveahkkái	1 475 000 ru
Gealbudahttin prográmma nannet	453 000 ru
Lassidoarjja guovttegielalašvuhtii	- 213 000 ru
Ođđa lávdegoddi – árbevirolaš lodden	50 000 ru
Miellahttuvuohta “Ráđđi rádjesuohkanat davvin”	29 000 ru
Doarjja fylkkasuohkanis nuppástuhttinbargui	- 5 500 000 ru
Golut nuppástuhttindoibmii	5 500 000 ru
Disposišuvdnafoandda geavaheapmi	-1 097 000 ru

Čuovvovaš rievdadusat evttohuuvvot investerenušehtii 2020:

Doaibmabidju	Submi
Digitaliseret čáhce- ja duolvačáhceaneahta	180 000 ru
Gealddasuddjen čáhce- ja duolvačáhcerusttet Guovdageainnus	100 000 ru
Heiveheamit suohkanviesus	450 000 ru
Gealddasuddjen čáhce- ja duolvačáhcerusttet Guovdageainnus	-280 000 ru
Loatnaruđaid atnit	-450 000 ru